

黃氏逸書考

先兄劍秋幼聰慧年十九補博士弟子員受業於汪醇卿先生之門稱高足喜詩古文辭尤工詩隨先君入都諸先達甚愛其才凡觴詠必與焉詩名籍甚都下顧才豐運蹇連不得志於有司值咸豐兵燹省試已停長安居又不易遂以議敘縣丞分發北河試用非其志也歲辛酉因差赴滬就近省先母焦太淑人於邵伯埭同治壬戌冬間偕先兄冕西携余赴鄂趨庭時先君罷官僑居

省門咸寧縣羅公液池延兄爲幕賓乙丑  
四月霆營兵變羅公殉難兄與焉時年三  
十七得旨賜卹雲騎尉世職配享羅公祠雖  
云死後之哀榮究無補生前之困蹟是年九  
月余送柩歸葬檢行篋詩文稿已散失僅存  
詩十之一二並筆記十數則而已竊以爲天  
旣生才而靳其遇靳其壽又並其著作而摧  
殘之蒼蒼者其有知耶其無知耶此昔人所  
以作天問也所存殘稿久欲付梓因循未果

昨偶檢出命

孫

承霖

承霖係

兄

次子

錦官

故承霖亦

爲余孫校錄付刊以存吉光片羽藉慰幽

冥抑余又有慨焉

兄年十九入泮報錄人

至門適余生

先君喜甚因小字余曰同欲

余似

兄聰慧也

兄之歿也余送柩歸葬

年正十九余無子以

兄次子錦官兼祧爲

嗣余之詩文得

兄指授而承霖詩古文辭

及天算又皆余所親授此其中有前因焉俛

仰今昔臨穎淒然壬戌季冬第七弟鑒識

聽秋山房賸橐

咸豐乙卯以後作

維揚王爾銘劒秋著

孫

承霖

履青

恭校

舟中雜興

萬事一杯中乘風破浪雄水浮荻花白山炙  
夕陽紅愁盡隨秋燕身輕羨塞鴻傾尊忘日  
暮明月已升東

泊淮陰夜尋許問渠清

陋巷蕭條只抵村四無人跡夜黃昏綠陰市  
地通微徑手握月光獨叩門

見樵者戲贈

莫道芻蕘謀不工，須知草昧有英雄。  
兩肩荷盡荆榛任，一斧橫行枳棘叢。  
茅塞眼前從我闢，坦途身後與人同。  
仁心留得勾萌在，爲待春來沐好風。

詠酒

世態雖趨暖，人心只近涼。  
多情惟有汝，偏要熱人腸。

舟中病瘧

登舟意不適忽爾憂采薪初疑與水近不過  
薄寒侵明日病益篤舉舟共相驚醫來試診  
脈弦滑瘡成形維時交處暑歊熱尙蒸蒸豈  
料風寒疾竟與炎威爭當其漸而至于足先  
不仁肢體爲殼棘皮骨皆酥皴下旣成其拇  
上欲亡我唇八萬毛竅裏竅竅轉風輪天地  
兩不通閉塞而冬成無何黃梁熟一夢回陽  
春吐納元氣出吹噓陽和生耳目口鼻間一  
一似煙熏揮汗可成雨喘氣欲生雲煨我心

腹腎火我脾肺肝既等焚身象如上頭痛山  
陰陽爲爐炭消磨恐不難好詩空說杜乾癭  
難覓秦逃瘡旣無方召瘡究何因我聞瘡有  
鬼有鬼必有情食汝飯一盂飲汝酒一尊正  
言爲汝責君子瘡不應世有趨炎客見利不  
顧身芒芒螳赴釜逐逐蠅附腥汝以寒治之  
益智兼清心又有無情輩冷眼誇甚明燃眉  
爾自急熱腸彼不存汝以熱治之元陽回命  
門汝何獨畏彼與我仇獨深搖蕩我酒魄撓



亂我詩魂弄汝狡獪技全不顧斯文毒汝以  
藥餌攻汝以酒兵汝總不知畏殊覺頑不靈  
聽之而已矣作不見不聞此去山東道好山  
不斷青放懷陟高岡尋詩坐深林我興方未  
央汝意當厭憎似笑癡頑客不來與我親乃  
知醫國手只有山水神但能散胸襟所補勝  
參苓

雨泊宿遷關雜感

買舟本擬爲尋山碧磴丹梯任我攀不道遭

逢多拂意蕭蕭暮雨宿遷關

竹塢桑園一徑洙淩風苦雨四邊陰空中忽

見炊煙起知有人家住隔林

無復鐘聲擾客眠但聞絲竹唱鄰船

鄰船鎮江於君

愛弄絲竹羨他歷盡興亡劫依舊繁華似昔年

### 遙灣夜發

數聲柔櫓一帆風舟在秋湖明月中涼露撲  
窗眠不穩訴將離思與幽蟲

### 曉過棲山

小艇背朝曛船頭煙霧分隄低皆沒水山遠  
漸如雲餘暑蒼葭岸新涼白鷺羣草蟲聲寂  
寂羈客正愁聞

任城晚眺

登高已見日西飛苔潔沙明樹影微風起水  
衝當闌石山鳴僧叩隔林扉鐘聲高和清泉  
落雲意低隨倦鳥歸正擬郊游天欲晚照人  
一路趁斜暉

枯池

豈是嫌池小周圍五畝餘可憐無寸水難得  
活枯魚清濁形俱泯風波患盡除不來此間  
住何處結吾廬

寄懷揚郡同辦圍練諸君柬賈吉人 賓

溱蘭徵朱小竹

流光彈指去漫漫整日惟將故紙鑽爲索新  
詩閒倚樹偶懷舊雨獨憑闌與君強半鷄蟲  
累凡事都從柄鑿看漫作鹽梅供鼎食先將  
世味辨酸鹹

文章經濟羨諸君同是超然志不羣得失可  
憑期自喻愛憎難免向誰分家風笑我能捫  
蝨世事隨他日聚蟲枯坐寡聞生鄙恹酒酣  
時復賦停雲

### 孤鴈行

孤鴈來何地梁州鴈門塞西風萬里度瀟湘  
戴月凌霜翅何銳自矜詡健慣孤飛不信魚  
網能爲害藩籬鸚鵡雀顧而笑爭食鷄鶩深爾  
怪智不足耶羽短耶可憐無救毛衣頓向我

長鳴似欲語君家只識眼前事眼前之事況  
不惡主人待我多優異君看凌雲松柏質束  
縛尺寸盆中器君看元鶴翔千仞雕籠豢養  
同兔戲況今羽翼吹來盡愛惜不充鼎鼐食  
竹籬日暖池水溫且喜弋人不我忌只是禽  
飛俱不能憩息逍遙何取義我體此意心轉  
夷啞然失笑非自棄汝是今朝失羣鴈我是  
今朝伏櫪驥

秋懷

玉尺難將天地量，銀河耿耿野茫茫。  
霜彫敗葉秋無色，月放澄潭夜有光。  
野曠哀音連鴈起，窗虛衆響闕蛩忙。  
不堪病骨頽唐甚，猶憶故人思故鄉。

異鄉權作故鄉看，謀食辛勤況素餐。  
社燕孤飛原是客，晚蜚亂咽亦知寒。  
迢遙骨肉無消息，閑歷風霜辨苦酸。  
北去南歸俱未得，不因愁絕路漫漫。

得樹園四詠

聽秋山房讀橐

古柳

張緒老且死孤魂化作龍丰姿盡消滅體態  
轉豪雄胡髯下飲溪鱗爪上拏空曷不乘雲  
去胡爲此牆東

梧桐

爾本嶧陽材含音向索寞垂陰蔭半畝游人  
賴息腳夜來風雨聲可以充詩橐一徑秋月  
寒獨向井邊落

叢桂



昔聞金粟堆今見青竹篠蓬蓬奪雨露枝幹  
爲低小欲借吳剛斧茅草盡刪了庶使天香  
子得見秋月皦

紫簾

紫簾爾何物偏作女蘿狀不能自特立置身  
他樹上雨露先沾濡松柏託高尙花時一色  
垂燦若紫綃帳

友某作棄婦詞絕交詩也戲作答詞

妾非自媒婦君非輕薄子憶昔相見初媒妁

正其始長襦繡合歡寶帶結連理充耳明月  
先斗帳珊瑚蘂金釵十二行夜夜香風起鴛  
鴦三十六朝朝戲春水寵盛物自貴顧盼生  
光采豈知色稍衰棄之如敝屣束我舊時裙  
納我舊時履去我舊膏沐脫我舊簪珥躑躑  
復躑躑君情長已矣徘徊房牖間淚灑不能  
已青青山上芭淠淠水中沚渡江有蛟龍陟  
岡多虎兕妾棄勿復道願君慎行止

感賦

亂蓬愁思共淒迷回首鄉園但落暉高鳥斜  
行隨望滅斷雲殘片向空飛登樓有客依劉  
表化鶴何年返令威記得昨朝池上立野禽  
勸我不如歸

禽言

姑惡姑惡丈夫種得田稻熟新婦不得一粒  
粟姑惡嗟乎世間豈無慈姑新婦門前來姑  
性盡變惡

咄咄怪東家有犬如羊大滿腹膨脝是何物

日食糟糠五斗外咄咄怪犂田不會服輓不  
會負此軀幹無爾奈咄咄怪羊冒虎皮狐假  
威比爾更狡獪我何爾怪

不如歸去游蒼冥棲高樹啄稻梁飲清露此  
中自負藏身固再四思維無所補不如歸去  
不歸去弋人怒

九月十一日漫述

少小慮不壽忽焉已廿七當其未至時遙遙  
殊難及豈知呼吸間孑然粗自立從今至百

歲只消兩呼吸古人行樂時往往憂愁入我  
在憂愁中忽然喜交集請作自壽詩一解心  
於邑

人死如昏夜人生如白晝悠悠廿七年寒暑  
幾受授如何日與月晝夜不相留及知天地  
間畢竟人爲壽無用憂窮達無用憂貧富未  
死卽長生極樂亦无咎

丈人多命薄才子苦壽短今我無所長此憂  
自可免平生怕馳逐不解營生彥此是性之

愚非關志高遠所以葆其真生機未伐翦  
今朝天心喜晴旭照草堂爲我駐韶華秋鞠  
舒清香金石有時消草木有時芳相逢及盛  
時榮瘁各難量人生當少壯誰知壽短長各  
當大歡喜毋用懷憂傷張嘯錯珍肴北斗羅  
酒漿聊浮一大白權當祝嘏觴

喜南昌閔彩庭

鴻元

過訪卽別贈之

冷雨茅茨靜俄聞客叩門君知憐國士世孰  
惜王孫三月煙花夢九秋霜露繁相逢殊不

易促坐且開尊

空贈金千鎰誰酬飯一餐  
貧知交態薄窮覺報恩難  
江水三秋險河冰十月寒  
風塵憐瘦骨珍重客衣單

從古官清白由來家赤貧  
請看賢相子猶作負薪民  
困頓儒生素艱難世味真如君  
頭角異枉作愛憐人

我亦清狂客坦懷不自量  
年來添閱歷世態果炎涼  
耿介如吾子孤危況異鄉  
不如家食

吉免使硯田荒

秋郊散步

晚晴天氣出城東步上平臯興不窮村小偏  
饒疎曠味人貧反見太初風編茅補屋參新  
舊插竹成籬辨拙工清絕水橋西畔路鞠花  
新發雨三叢

赤目歌

王子昨宵命龜卜獻兆竟得離爲目兩眸一  
夜如火赤炯炯紅光掣列缺雙珠迸出燄千



尋月黑荒齋鬼神咄我顏非渥丹我目何爨  
血人間無用阮公青世上相看王敦白我生  
此際竟何爲曷不韜光爲墨黑何因惹此剝  
膚災坐使爐炭燎毛骨銷除精彩歸冶爐磨  
滅靈光付浩劫瞳神腫神爾何辜乃爲詩人  
當磨折從來黑白太分明此事原遭天譴責  
忌我妒我望我盲愛我或云盍醫治豈知藥  
力不能療竟是炎精弄狡猾嗟我枯槁已性  
成與世無求奚我忌我將去向蓬瀛游劫火

不到神仙地太液波中洗眼回今龜改卜得  
既濟

感懷

天地積氣成終古有傾覆造物豈無權盈虛  
自成局所以中處者俛仰多不足富以守鹿  
癡貧以亡羊哭忽忽百歲後畢竟誰榮辱對  
此增感慨顧影愧勞碌不如飲美酒臨風歌  
一曲

曲聲何悠悠  
歌雜竹枝流水照我心  
天風

吹我衣一唱再三歎鬼神路有啼路有多枯  
樹形狀盡離奇長揖復深拜與君訂新知枯  
樹不我應拂袖行遲遲何所見而去游魚游  
清溪

昭文不鼓琴其說欺人耳然而成與虧未必  
無微旨造物爭機先人情喜更始前往復後  
續悠悠東流水水流無斷絕人心無底止種  
花望花好釀酒望酒旨此事頗不俗誅求乃  
無已怪彼擁厚貲勞碌以至死

君看園中花一歲一芳鮮卽此一歲中勞勞  
望眼穿食穀須幾斛望月須幾圓何況王母  
桃一熟六千年雖如天地壽能得幾回焉然  
而愚妄者談空兼說玄謀生反辟穀餓死誰  
爲憐何如且隨俗飲食全其天未死卽長生  
生時卽神僊

暮秋

請看霜林變纈林羈人那得不驚心  
高堂幸健游偏遠敝絮無多秋又深  
世味浮雲俱

澹泊壯懷明月共升沈相憐只有平隄柳搖  
蕩西風不自禁

宿雄縣見題壁詩有我來此地知魚美  
喚過漁郎數白銅句不禁枝癢適沾  
魚者至因口占一絕

笑他奇貨野人居頻托纖鱗對客呼我已年  
來持淨戒此行況不爲鱸魚

過十二連橋時明月在天狂風捲地兩  
邊皆水四顧無人傍岸惟漁舟沿隄

有楊柳頗似家鄉蓮花橋一帶光景  
感賦一絕

一番觸景一番傷遞進連橋十二行我賦歸  
來非獲已風光何苦肖家鄉

宿猫兒窠和旅舍壁上習君詩韻卽題  
其處

余顏紅兮余髮白軒冕已棄復何辱爭說長  
安不易居歸來依舊春山綠放縱未免古之  
狂酒無滋味菜根香生平不解詩工拙到處

人情紙半張

三棵樹旅舍壁上有絕句一首依韻和之

計數歸程已近家  
吾鄉城郭綠楊遮  
江南風景應如舊  
開徧榴花又藕花

曉渡黃河憶敬伯  
笏山賦此代柬

自我出京師  
無日不思爾  
揮手淚沾巾  
濕透青衫裏  
徹夜不成眠  
萬種愁腸起  
貌瘦擬黃花  
身輕輸燕子  
幸在風塵中  
強健尙可恃  
多

聽秋山房謄藁

歷一程途多隔一百里迴首望長安長安不見矣雄縣佈一函舊縣傳一紙平安兩字書得邀青眼否萍水遇顧君常熟其故址年已迫強仕豪情猶未已氣味偶相投遂與共棲止渠本宋玉流留心在紅紫頻喚我書癡我實癡於彼道旁多閒花觀海難爲水勉強相周旋徒增惆悵耳平旦渡天河現居水之渚督使是吾師程門須久俟明日理行舟歸家在月底道中十餘日安祥差可喜寄語慰



祖 親伯叔及姑姊鬱此千里八輪轉周  
復始易地以相觀料應也如此

朱仙鎮道中

爽氣西來現斷虹遶天蒼翠有無中一村梨  
實初成綠六月榴花尙放紅地爲無山心獨  
曠車恒繞水眼多空半途忽爾逢疏雨且喜  
先來解愠風

題襄城旅舍壁

潁水連溱洧探源更溯流蘆新魚競上麥熟

鳥爭投忘世溪頭鴨勞人渡口舟相看誰自得  
落日起田謳

不雨三時久

土人云此地已九閏月不雨矣

看天我不平黃

沙枯草色赤日災禽聲早魃能爲害天心未  
易明昭昭雲漢什三復倍神驚

一雨連三日維魚大有慶亂籬無竹柏古道  
有牛羊泥澀車行緩心閒路覺長晚來晴更  
好旅息且徜徉

欲譜清商調鍾期已失傳閒雲高以逸流水

澹而鮮魚靜深藏藻林繁早唱蟬  
浩歌何處起明月下前川

瓦店道中口號

中天烈日射陽城  
歎熱熏蒸不可行  
老馬還如游倦客  
任人鞭撻懶前程

泊揚圻之對江  
遇風舟子力勸前進  
未五里至江心  
狂風暴作幾遭不測幸

舟子尙衆復退行至原處泊焉  
星臺

三弟

承霖謹按星臺爲先三大父之字原諱爾鈐後更之棟字東

聽秋山房賸稿

其

木坐船在後鑑於前船故未遭險

競說今番莫急行力爭上水恃舟輕果然波  
起颿無主只聽風翻浪有聲對面皆山難立  
足回頭是岸急抽身後船已鑑前船險先戕  
停橈得不驚

白洋口占

三五游鱗水面浮驀然一去怕回頭只緣月  
影兼篙影錯認長竿挂釣鉤

雲史日記

維揚王爾銘劒秋著 孫承霖 履青 恭校

雄縣西屋壁上有七律二章款署滇南李夢  
蓮其詩云風塵奔走廿餘春轉眼將成老大  
人也解功名似泡幻其如家業等浮萍鉛刀  
不割終非願石硯雖畊莫救貧縱使知音遲  
我遇此番何以慰雙親恨煞光陰誤讀書卅  
年事事不人如自來命薄文都賤況值家貧  
遇更疏世事無非蕉覆鹿功名竟類木求魚

此中消息全參透且去隨緣混過余又一人  
題云征程上迢遞極目總茫然古蹟追齊魯  
平原入趙燕題橋空此日擊筑憶當年我亦  
悲歌士長懷易水篇又一人題云十二連橋  
駕彩虹一湖晴水縹東風我來此地知魚美  
喚過漁郎數白銅前二首感慨萍字出韻次一首  
古致末一首大方均非作家不辦

富莊驛舍題壁甚多有款署杏農者題七絕  
四章其末二句云漫道風波平地少眼前平

地卽風波頗見閱歷

佳留智廟三合店壁有女史題七律二章云  
曾向金閨伴讀來新詩諷詠日千回臨書每  
愛簪花品學畫時拈禿筆陪忽覩風波沈宦  
海那禁雲雨黯粧臺無端墮入罡風劫蠶尙  
留絲燭已灰曾向西冷哭小青那堪儂命更  
伶仃桃花著雨難留樹柳絮隨風欲化萍弱  
質未能貞蕩節孽緣空自懣蓮經羨他翠繞  
珠圍女

侍畫屏其四字余忘之矣

前並有序自言農家者女爲侍書於顯者之門顯者傾敗遂淪落風塵爰作詩以待知己云云讀其詩吾爲斯女哀吾又不僅爲斯女哀也

舊縣旅館中壁上有過客題律詩一首中二句云路從山水廻環出人在衣裳顛倒中頗切景

渡洧川河尖小臺店題壁有款署雲卿者贈陶小泉參戎與女校書玉鳳云玉貌堂堂花



樣嬌鳳姿風韻柳枝腰傾城一笑金難買句  
魄雙眸怒亦消欸欸柔情春入俏沈沈醉態  
畫堪描陶公今夕陽臺會話別喃喃盡此宵  
又有人題云髮短心長可奈何酒酣斫地一  
悲歌弓蛇憂患摧成竹磨蝎光陰感逝波蚤  
歲功名文字誤中年日月戰場過卜居還問  
鄭詹尹誰賺英雄鬢欲皤東南猶未息干戈  
拔劍中宵喚奈何莽莽紅巾口地滿纍纍白  
骨戰場多弟兄捍衛輕生死

原注先兄稷臣  
殺賊盡難蒙恩

敕建專祠骨肉分離避網羅出岫懶雲難作雨還  
將心鐵一橫磨欵署岵西恨人又有人題云  
世道崎嶇本不平況當炎日更難行寄言屢  
走風塵者珍重輪蹄莫遠征又有五古一篇  
云湘波吾老友京華常聚首方期寄封疆宦  
海鯨波吼偉然大丈夫良非謀升斗直道難  
事人被黜何太隄孔子畏於匡文王囚於羑  
破斧與缺戕周公誰曰否難撼岳家軍三字  
莫須有古來大名臣避讒亦險走豈同孟嘗

客鳴鷄而盜狗今人不古若鬱鬱情待剖宸  
居高九重天閭何處叩我亦仕路人書非探  
二酉聯句莫拈韻何況無對耦舊雨感情深  
不啻出諸口草此語同心當不以爲醜此首  
略有古意又有該地紳民頌其長官云奉旨  
三經南陽顧合郡生民蒙保護長毛幾次不  
敢來捻匪殺了無其數除暴安民又三年善  
人喜懼惡人怒沒有銀錢充勇糧衣服首飾  
歸當舖大老辛苦人不知請看城池新與故

雖曰戲筆卻是斲輪老手

葉縣南關逆旅主人雨高名下士也有客訪之  
不遇留詩云白荻丹楓又早秋鴻泥此地記重遊  
停車儻識荊州面不羨生封萬戶侯風塵僕僕望京華  
一紙書來道路賒笑我疎狂不投刺試題午字到君家  
二絕頗大方葉公舊縣題壁有云地靈白水真人出天助  
江山大樹栽宦迹空傳雙舄去仙蹤已有一龍來其前後四句忘之矣

新店鋪題壁詩詞甚多有憶蓮玉燭心一闕  
云閒愁眞不少爲解語嬌姿倍添煩惱瓊肌  
沁露相逢處秀韻天然娟好芳塘別後怎夢  
裏魂飛難到悔那日乘興看花無端爲情顛  
倒須知蝶戀蜂迷早綠暗紅移游人看飽  
薄絲難斷無奈他一種相思纏繞殷勤寄語  
好忍耐西風狂暴休被那渡口無情漁郎誤  
了欸署龍眠怡園舊主人芝庭氏倚聲又有  
南陽懷古二律其一首中二句云曹瞞足智

猶奔北劉表何知欲覩東末二句云傷心走  
馬徐元直遇主誰憐局未終餘俱難記憶矣  
裕州北關外逆旅中題壁亦多余但愛懷武  
侯一首中四句云天心默向三分定賊膽先  
從一炬驚魚水君臣徵遇合江山今古重勛  
名

襄城南關高陞店題壁亦多僅記其穎橋懷  
古一律云穎橋祠宇有遺容不匱猶疑昔日  
同欲得餘甘賡燕喜還將譎諫格梟雄黃泉

一誓原無母赤幟先登尙急公爲問鄭莊今  
在否何如曲口頌徽風

湯陰縣魏家營南來第一家旅店中題壁詩  
多且妙有湯陰謁岳廟二律欸署嶺南隱樵  
其一云君王竟忍事番戎朔漠誰教棄兩宮  
冤獄已成莫須有長城自壞將毋同鐵鎔佞  
骨徒遺臭祠妥靈魂合表忠每讀遺編生氣  
出淋漓一闕滿江紅其二云涅背誰知報國  
衷如君眞不愧英雄遭逢幸識宗留守責備

難寬張魏公北地蒙塵思二帝南枝向闕表  
孤忠雪冤尙有文孫在直道人心萬古同又  
有署卽吾者其律詩結語尤超云十二金牌  
誠矯發如何事後亦朦朧

磁縣松村店壁上有詩亦弔岳忠武者詩云  
痛飲黃龍事總空金牌十二爲和戎天心不  
祚中朝主獨使將軍泣兩宮二帝蒙塵且議  
和十年血戰枉操戈南朝天子原無父何用  
癡情望九哥總把中興望建康小朝廷裏郭



汾陽至今忠武祠邊樹猶向風前泣上皇天子如何被虜擒九京含淚有徽欽從行一箇張樞密飲水猶懷戴宋心金人縱檜議先成不靖中原死不平南渡君臣公早識馬前何待有書生大理冤沈死亦常忠魂千載恨猶長階前漫把奸人鑄翻恐污公俎豆香未署楚北佛生氏

偶檢未遭浩劫之舊書得江笏山表弟寄來箋頭上有印章因憶前歲曾將印譜全帙示

余並索序爰爲之題云燕北看花共奪龍頭  
之錦江南剖竹頻來鯉腹之書搜奇字於羽  
珪香焚芸葉考異書於石室露滴松花彫河  
洛之龍文摹羲軒之鳥跡卧遊一室衡嶽如  
逢坐擁百城周秦若接奇技託於金石螭扁  
方正辨其形新編壽之棗梨規矩準繩示之  
則行見子昂百軸鳳閣蜚聲白傅千縑鷄林  
長價矣想其上稽蒼史遠證召陵九百六文  
盡通乎浚長三十五舉咸準之竹房讀書而

樂於藝成識字足徵其學積於是鏗爾呈技  
砉然奏刀古趣橫生新機獨運正繫馬弄麈  
之誤萃蟠螭屈鳳之精文摹壓勝之錢篆拓  
延年之瓦參同異而聚金鑄鼎采古今而集  
腋成裘但憑方便之風送來燕喜可代平安  
之字鈴上魚封讀勝琳瑯允昭輦鑑藏之祕  
笈訂赤文綠字之書佩入深山卽黃神越章  
之印久已裝成蝴蝶付諸長吉錦囊儻教架  
以珊瑚不數徐陵妙筆詎知好物難堅斯文

遇厄琅函金簡竟沒於風霜兵燹之餘青凍  
紅泥莫尋夫雲月斧斤之跡懷新碑之黃絹  
數舊物於青箱縱誇切玉如泥已歎遺珠入  
海所幸杜子實么麼掃盡丁令威無恙歸來  
二西山深六丁劫過盤桓松鞠徑未荒三點  
檢圖書車還載半偶附蠡中之測僅拾寸鱗  
卽窮管底之窺已非全豹譬彼建安雀瓦尙  
留半片珍藏例諸定武蘭亭祇賸數行祕玩  
千百里惠子尺素遙欽玉尺於宗工再三囑

索我題辭竊媿金題於元晏讀三都兩京之  
賦知張左非藉序以傳探六書八體之原喜  
冰斯之替人在是陰陽晦明風雨當年曾共  
被聞鷄濟東青兗登萊何日再聯鑣試馬新  
花入夢應增五色之光古鼎同珍尙冀百朋  
是錫

清故中憲大夫四品銜前湖北恩施縣知縣  
逸珊王公行畧

公諱甲曾原名世增榜名文甲又改福曾最  
後改今名字逸珊一字雪棊晚號止止老人  
江都縣廩生道光辛卯科舉人實錄館謄錄  
咸豐三年癸丑髮逆逼郡城當道集紳董會  
議有議款賊犒以牛酒金帛俾但假道他竄  
不擾閭閻者公力沮其議不聽知事不可爲  
乃奉老親及細弱避北鄉郡人以和議可恃

遂不遷城旣陷遇難者不可勝計公家業旣  
毀遂謀祿仕入都選授湖北恩施縣知縣縣  
爲施南府首邑居萬山中地瘠民貧甫下車  
除繁苛省徭役與民休息有書院久廢公復  
興之自課士子士民因皆向學公素儉俸祿  
足以自給然府署之供億不能普應嘗曰剝  
民以媚上吾不忍爲也時宜昌已克復郡守  
猶請兵請餉託名籌防勸捐實飽私橐公極  
力諫阻之以此愈失上官意一日郡守獲奸

細數十名發縣懲治公細鞫之皆良民逃難至此者方擬具文申雪忽於午夜得訂封文書命悉正法公大駭持供狀詣府力爭郡守辭屈並得釋放蓋郡守意欲藉此邀功遷秩而公以民命至重不肯稍事曲徇遂銜之次骨將傾陷以洩其憤會罷去繼任某其舊交也交替時極言公不可共事囑尋覓去之某既有先入之言又以供億不滿所欲且公遇事持正不便其所爲遂捏款誣參並嗾縣民



行畧

以聽斷不公上訴公亦上書自訟大府以屬  
員與本管上司互揭風不可長適計典將入  
奏遂列公名既罷黜縣民至省公與之對簿  
皆曰邑君並未偏斷我等之來乃府署司閹  
給予川資迫令翻控邑君平日善視我等我  
等亦藉此來一雪其枉許海秋先生贈公句  
云世上莫言公論少國人爭道長官清卽指  
此也事旣白大府護前不欲反汗使人謂公  
曰姑稍待之機會甚多當還君官也公心志

已灰不願再作馮婦滯跡省垣課生徒以自  
給同治甲子金陵克復長江肅清始挈家返  
里庚午春寢疾閏十月十六日卒公生於嘉  
慶五年庚申正月十五日卒年七十一公取  
友必端所交皆知名士爲人和易不立厓岸  
而臨大事則毅然不可奪平生善飲友朋讌  
集皆以爲無公不樂每飲必盡量未嘗醉也  
精醫及青烏術非至交延不往曰吾非鬻技  
者也著有不波山房詩草子八人爾銘附貢

生北河試用縣丞客咸寧知縣羅琳幕同時  
殉難奉 旨配享羅公祠賜卹雲騎尉世職  
鈞天文生之棟監生湖北遠安縣典史爾鐫  
監生鑾附貢生湖北試用主簿爾鑒監生鑒  
同治庚午科副貢光緒壬午科舉人三品銜  
安徽補用知府錫壬附生爾銘鑾鑒工詩古  
文辭精天算著述甚富餘並能以學行世其  
家孫七人曾孫二人

宣統元年歲次己酉夏六月同里後學桂邦

傑頓首拜誤

宋史李重進列傳注

周三臣傳五代史記有唐六臣傳示譏也宋史傳周  
三臣其名似之其義異焉求所以同則歸于正名義  
扶綱常而已韓通與宋太祖比肩事周而死于宋未  
受禪之頃然不傳于宋則忠義之志何所託而存乎  
李筠李重進舊史書叛叛與否未易言也洛邑所謂  
頑名非殷之忠臣乎孔子定書不改其舊稱焉或曰  
三人者嘗臣唐晉漢矣曰智氏之豫讓非歟作周三  
臣傳

李重進其先滄州人周太祖之甥福慶長公主之子

也

謝翱時髮集上臨墉樂府其魁則頑曰子號自出謂重進爲周太祖甥也

生於太原晉

天福中仕爲殿直漢初從周祖征河中廣順初遷內殿直都知領泗州刺史改小底都指揮使二年改大內都點檢權侍衛馬步軍都軍頭領恩州團練使遷殿前都指揮使三年加領泗州防禦使顯德初領武信軍節度重進年長於世宗及周祖寢疾召重進受顧命令拜世宗以定君臣之分世宗嗣位爲侍衛親軍馬步軍都虞候從世宗征劉崇戰于高平不利大

將樊愛能何徽以其衆遁唯重進與白重贊勒兵不動既而太祖先以麾下犯敵重贊繼領所部力戰世宗躬率衛兵合勢周師復振崇遂大敗以功領忠武軍節度及進討太原又爲行營馬步軍都虞候師還加同中書門下平章事改歸德軍節度兼侍衛馬步軍都指揮使世宗親征淮南命重進將兵先赴正陽俄聞李穀攻壽春不克退保正陽促重進兵助之吳人以穀退爲懼乃發兵三萬餘旌旗輜重亘數百里又發戰櫓二百艘以張斷橋之勢列陣鼓譟而北橫

布拒馬以萬數皆貫以利刃維以鐵索又刻木爲戰形立陣前號捷馬牌皮囊貯鐵蒺藜以布戰地時周師未朝食吳師奄至周師望其陣皆笑之宣祖領前軍與重進韓令坤本傳韓令坤磁州武安人以功加兼侍中又從討李重進瞻宋史紀事本末令坤從討李重進還罷明陳邦爲節度使自是殿前都點檢不復除授合勢擊之一鼓而敗斬首萬餘級追奔二十餘里殺大將劉彥

貞擒裨將盛師朗數十人降二千人獲戈甲三十萬

世宗大悅詔書褒諭卽以重進代穀爲行營招討使

宋歐陽修新五代史記顯德三年春正月辛亥侍衛親軍都指揮使李重進及唐人戰于正陽敗之甲



原缺

進代李穀爲淮南道行營都招討使夏四月甲子  
以侍衛親軍都指揮使歸德節度使李重進爲廬壽  
等州招討使戊戌帝留御衛親軍都指揮使李重  
進等圍壽州冬十月癸酉李重進奏唐人寇盛唐  
鐵騎都指揮使王彥昇等擊破之斬首三十餘級  
張承德與李重進不相悅承德密表重進有二心帝  
不之信時二將各擁重兵衆心憂恐重進一日單騎  
詣承德營從容宴飲謂承德曰吾與公幸以肺腑俱  
爲將帥奚相疑若此之深耶承德意乃解衆心亦安  
唐主聞之以蠟丸遣重進誘以厚利其書皆謗毀及  
反間之語重進奏之四年齊王景達將及壽春李  
重進邀擊大破之死者五千人奪其二寨丁未重進  
以聞李重進破濠州南關城五年上遣李重進  
將兵趣廬州六年五月乙巳朔侍衛親軍都指揮  
使天平節度使李重進等始引兵繼至契丹瀛州刺  
史高彥暉舉城降庚戌命李重進將兵出土門擊  
北漢己巳李重進奏敗北漢兵於百井斬首二千  
餘級秋七月以侍衛親軍都指揮使李重進領淮

南節度使恭帝嗣位加檢校太尉改淮南道節度五代會

二十人李重進大將七人李重進太祖卽位以韓令坤代爲侍衛都

指揮使加重進中書令宋程大昌演繁露周恭帝時李重進出鎮揚州領宿衛如

故太祖之禪命韓令坤代爲馬步軍都指揮使正足

奪其所帶軍職耳尹會一揚州府志周顯德六年韓令坤始別築新城宋初李重進毀之後葺舊南半

爲城新志李重進鎮揚州復改築周二十里李重進改卜今城既而移鎮青州加開府階重進與太

祖俱事周室分掌兵柄常心憚太祖太祖立愈不自

安及聞移鎮陰懷異志太祖知之遣六宅使陳思誨

齎賜鐵券以安其心宋姜夔白石道人歌曲淮海濁定維揚也李重進自謂周大臣

原缺

初受天命誅李重進 魏泰東軒筆錄太祖皇帝得

天下征維揚誅李重進 釋贊甯續高僧傳明寶末

江州圓通寺日過寮中有客僧將寂滅袒其背以示

其徒有雕青李重進三字云我即其人脫身烟焰至

于今思誨亦為其黨所害太祖入駐城西南 府志宋

日 隆元年冬十月周淮南節度使李重進謀起兵拒宋

十一月宋主自將擊之重進盡室自焚死 宋太祖

親征李重進以御營建寺 宋藝祖破李重進駐蹕

蜀岡寺有龍闕於九曲池 宋沈括九曲池新亭記

建隆元年太祖親征李重進之亂駐蹕于閱逆黨數

城北使石守信破壁取重進重進以火死 閱逆黨數

百人盡戮之 宋建隆元年詔及李重進元隨軍家口

骨肉並無犯罪逃亡者聽於所在首身

押來 重進兄深州刺史重興聞其叛自殺弟解州刺

赴闕 史重贊子尚食使延福並戮於市 府志李重進其先

史重贊子尚食使延福並戮於市 滄州人生于太原

九

周太祖之甥也累官天平節度使恭帝嗣位加檢校太尉改淮南節度使宋太祖受禪加中書令重進與太祖俱事周室分掌兵柄自以周室近親恐不得全遂治城繕兵以拒命太祖親征次大儀鎮徑至城下卽日拔之重進舉族自焚死初重進謀舉兵遣親吏翟守珣往潞

陰結李筠守珣素議太祖往還京師潛詣樞密承旨李處耘求見太祖問曰我欲賜重進鐵券彼信我乎守珣曰重進終無歸順之志太祖厚賜守珣許以爵位且令說重進緩其謀無令二寇並作以分兵勢守珣歸勸重進養威持重未可輕發重進甚信之及李筠誅重進反書聞並如太祖之策其不信鐵券亦如

不屈于太祖作鐵案以安之猶據鎮叛

重進欲治裝隨思誨入朝爲左

右所惑猶豫不決又自以周室近親恐不得全遂拘

思誨治城隍繕兵甲遣人求援李景景懼而不納

陸游

南唐書元宗十七年冬十月宋揚州節度使李

閩之

重進叛來求援不許十一月丁未宋平李重進

太祖

稽古錄太祖建隆元年九月李重進叛降江南

之十月庚寅上自將討李重進十一月丁未上至揚州卽日克之重進自焚死

監軍安友規

常爲重進所忌至是友規謀與親信數人斬關出爲

衆所拒踰城得脫重進捕軍校不附者數十人盡殺

之

宋曾鞏隆正集建隆元年九月李重進叛十月車駕幸軍前十一月重進自焚十二月車駕還京重

進太原人周祖之甥在周爲平盧軍節度使判揚州至是以揚州叛太祖遣石守信傳

石守信開討浚儀人李重進反揚州以守信爲行營

都部署兼知揚州行府事帝親征至大儀頓守信馳

奏城破在朝夕大駕親臨一王審琦本傳王審琦字

鼓可平帝亟赴之果克其城王審琦寶仲其先遼西

人後徙家洛陽李重進叛副石守信爲前軍部署討

之隆平集王審琦從太祖親征李重進論功除忠

武軍節李處耘本傳李處耘潞州上黨人討李重進

度使李處耘爲行營兵馬都監賊平以處耘知揚

州宋僦本傳宋僦河南洛陽人李重進謀以揚州叛

僦察其狀飛章以聞太祖令僦由海陵以觀

重進去就遂從征揚州爲行營排四將率禁兵討重

進使及平以功改保信軍節度

進會友規至賜襲衣金帶器幣鞍馬以爲滁州刺史

監前軍太祖謂左右曰朕於周室舊臣無所猜間重



檢侍衛馬步軍都軍頭領恩州團練遷殿前都指揮  
加泗州防禦顯德初領武信軍節度使年比世宗爲  
長太祖寢疾令拜世宗以定君臣之分遂受顯命卽  
位爲侍衛親軍馬步都虞候高平之戰樊愛能等旣  
遁惟重進與白重贊勒兵不動俄趙匡胤以麾下犯  
敵重進領所部力戰世宗合勢周師復振崇遂大敗  
以功領忠武軍節度討太原爲行營馬步軍都虞候  
師還加同中書門下平章事改鎮歸德軍征淮南命  
將兵先赴正陽旋聞李穀攻壽春不克促重進發兵  
三萬助之旌旗輜重亘數百里戰權二百艘以張斷  
橋之勢列陣鼓譟而北橫布拒馬以萬數又刻木爲  
戰形立陣前號捷馬裨時未朝食吳師奄至重進與  
韓令坤合勢擊之一鼓而敗斬首萬餘級追奔二十  
餘里殺大將劉彥貞擒裨將盛師朗降其衆護戈甲  
無算世宗大悅詔書褒諭卽命代穀爲廬壽等州行  
營招討使賜襲衣玉帶鞍馬時李繼勳主壽春重進  
駐軍城北聞城南洞屋爲淮人所焚將議退軍會匡  
胤自六合歸道出壽州因駐師旬餘重進倚以爲援

兵威復振吳人大懼以重進色黔號黑大王張永德屯下蔡與不協二將俱握重兵人情憂恐重進自壽陽單騎詣永德帳中命酒解釋曰吾與公皆國家肺腑相與戮力同獎王室何疑我之深也兩意始和三軍皆安李景知之密令人齎蠟書相誘咱以厚利重進表其事豫州刺史齊藏珍亦說重進世宗知之黜藏珍詔重進夾淮城正陽下蔡既成上其圖俄又敗淮兵二千餘於塌山北時圍壽經年未下吳遣將許文纘將舟師數萬來援距壽數里據紫金山設十餘砦連亘相望與城中烽火相應又南築夾道將抵壽爲饋路重進伺其出兵擊之敗五千餘衆奪二砦獲器甲甚衆世宗臨幸宴從官召賜戎服玉帶金銀器纁綵鞍馬錄克壽功加檢校太傅兼侍中改太平軍節度仍招討使攻濠州團練郭廷渭以兵降獲糧數萬斛李景請畫江爲界世宗班師留重進戍守景遣人以牛酒來犒未幾還鎮北征朝于博州賜宴行宮卽命將兵先趨北面及駐瓦橋關世宗不豫命率所部趣河東次白井路敗并人五千餘恭帝加檢校太

尉改淮南節度入宋進開府加中書令移鎮青州代以韓令坤重進初與宋太祖分掌兵柄常心憚之因不自安及聞移鎮密謀頗露太祖遣六宅使陳思誨齎賜鐵券以安其心重進欲治裝隨思誨入朝爲方右所惑猶豫不決自以周室近親恐終不得全遂拘思誨治城隍繕兵甲捕軍校不附者盡殺之遣人求援李景懼而不納監軍安友規與親信數人踰城告變宋遣石守信王審琦李處耘宋偁四將率禁兵以討除友規滁州刺史監前軍宋祖親往慰撫至大儀鎮守信馳奏揚州旦夕且破願車駕臨視遂徑至城下卽日拔之初左右勸殺思誨重進歎曰吾今舉族將赴義殺此何益卽縱火自焚思誨亦爲其黨所害宋祖入駐城西南聞其黨數百人盡戮之兄潯州刺史重興自殺弟解州刺史重贊子尙食使延福並棄市先有親吏翟守珣素識宋祖命往結李筠反潛詣處耘求見宋祖言賜重進鐵券不信且終無歸順之意祖厚賜遣之許以爵位令說重進使緩其謀無俾二兇並作守珣歸勸以養威持重未可輕發重進信

之及筠敗始舉兵守珣  
後補殿直爲供奉官  
又有張崇詒者周廣順初爲

樞密承旨二年出爲解州刺史兩池權鹽使多規畫

鹽池利害顯德三年改德州又改泗州澤州崇詒本

名崇訓恭帝嗣位避諱改焉重進赴淮南時道出泗

上崇詒說以畜兵完城之計重進敗事露詔捕之棄

市籍其家

太祖本紀建隆元年秋九月己未淮南節  
度李重進以揚州叛遣石守信等討之

丁亥詔親征揚州庚寅發京師十一月丁未師傳揚  
州城拔之重進盡室自焚戊申誅重進黨揚州年

十二月己巳駕還丁亥上至白揚  
申以揚州行宮爲建隆寺  
甲子澤州刺史張崇詒

坐黨李重進棄市  
宋王明清揮塵後錄揚州郡治  
之東廡扁鎖屋數間上有建隆元年朱漆金書牌云

原缺